




26
SETIEMBRE
2026

Día Européu de les Llingües

Europa fala en munches llingües



Principáu
d'Asturies



Principáu
d'Asturies

Cada 26 de setiembre celebramos el Día Européu de les Llingües, una iniciativa del Conseyu d'Europa que nació nel 2001, a lo llargo del Añu Européu de les Llingües, entamáu xunto a la Unión Europea. L'éxitu d'aquella esperiencia llevó al Conseyu d'Europa a convertir esta fecha nuna celebración anual dedicada a poner en valor la diversidá llingüística y cultural del continente.



Europa cuenta con más de 225 llingües autóctones. A elles súmense les munches llingües que formen parte de la sociedá europea como resultáu de los movimientos migratorios. Esta diversidá constituyé ún de los grandes patrimonios culturales d'Europa y reflexa formes diverses d'entender, nomar y tresmitir el mundu.

El Día Européu de les Llingües quier fomentar el conocimientu y l'aprendimientu d'idiomes, promover el plurilingüismu y l'entendimientu ente cultures y, al empar, recordar la importancia de protexer el patrimoniu llingüísticu européu. Toles llingües formen parte d'esta celebración, tamién aquellos con un númberu menor de falantes o una presencia social más reducida.

Asturies forma parte d'esa diversidá

L'asturianu y l'eonaviegu son l'aportación propia d'Asturies a esti gran mosaicu llingüísticu européu. Son llingües vinculaes a lo llargo de los siglos al nuestro territoriu, a la nuestra cultura y a la vida de xeneraciones d'asturianos y asturianes, y formen parte d'un patrimoniu que tenemos la responsabilidad de tresmitir al futuru.

La so protección intégrase amás nel marcu européu de defensa de les llingües rexonales o minoritaries. La Carta Europea de les Llingües Rexonales o Minoritaries, promovida pol Conseyu d'Europa, incluye l'asturianu y el gallego-asturianu o eonaviegu ente les llingües oxetu de protección n'Asturies.

Promoveles significa favorecer que puedan aprendese, usase y tresmitise; aumentar la so presencia na educación, la cultura, los medios de comunicación, les instituciones y los espacios dixitales nuevos; y garantizar que les persones que quieran emplegales puedan facelo con normalidá.

Cada llingua que conservamos amplía la diversidá d'Europa. Cada xeneración que la aprende y la usa contribuye a caltenela viva.

Esti 26 de setiembre celebramos toles llingües d'Europa y, dende Asturies, celebramos tamién les nuestres.

Asturianu y eonaviegu: llingües d'Asturies, llingües d'Europa.